

生生之而形之也爲畜之而成之也不有無生之之心不恃
無爲之之事如無思無爲之君長雖長之而非有心有事於
宰制也此兼生長收藏四者皆曰玄德而不言道道亦德也
右第四十三章

天下有始以爲天下母

始道也母德也有此天地之始以爲此萬物之母也

既得其母以知其子既知其子復守其母沒身不殆

人之生既得其母而以此知母中之有子既知中之有子而
又能守其母母住而子不離矣董思靖曰人受氣以生氣爲
母神寓於氣故爲子守母則氣專神安

道藏輯要

道德真經註

卷

心集十

塞其兌閉其門終身不勤開其兌濟其事終身不救

此守母之法說文兌從儿口聲今按口非聲當爲從人從口
入象口上氣出故易卦名兌者亦取口象塞其兌謂杜口不
言使氣不自口出門者氣所出入之門謂鼻也先塞兌而後
可閉門由不言而漸調息減息以至無息也如此則氣專於
內終身不因勞而致耗矣凡人有事必須有言每日開口而
言以成濟其應接之事則氣耗而至於匱終身不可救也

見小曰明守柔曰強

小猶前章微字所知見者微茫而不欲其明則不過用其神
以傷明而日進於明矣所執守者要脆而不欲其強則不暴

使其氣以害強而曰進於強矣見小者首子也守柔者守母也曰或作曰傳寫之誤

用其光復歸其明無遺身殃是謂襲常

此言育子之法水鏡能照物謂之光光之體謂之明用其照外之光回光照內復返而歸藏於其內體之明也夫神太用則竭照見淵魚者不祥此用其光於外以遺身殃者含光以混世則無殃矣是謂能掩藏常光之用以復歸常明之體故曰襲常

右第四十四章

上章言道德之在萬物者此章言道德之在人一身者

使我介然有知行於大道唯施是畏

道藏輯要

道德真經註

襄

心集十

我者汎言眾人非老子自謂介然音義與孟子介然用之成路同倏然之頃也知字句絕施猶論語無施勞孟子施施從外來之施矜夸張大也聖門顏子有若無實若虛無施勞老子之學益亦若此夸張最其所忌此章言不知道之人惟務夸張若使其人倏然之頃有所知而欲行於大道則必專以施為畏而不敢為○介音

大道甚夷而民好徑

徑者小路與大道相反卑卑歛退者大道也其道甚平夷而易行堂堂夸張者小徑也而人多好行之

胡甚除田甚蕪倉甚虛服文采帶利劔厭飲食資財有餘是謂